

ADEEGYADA DHIBBANAHA

CAAWIMAADDA DHIBBANAHA LAGU XAD-GUDBAY

Si aad u hesho barnaamijka adeegga dhibbanaha iyo waxyaabo kale:

United Way 2-1-1: gobolka oo dhan 24-ka saac si meelo kale laguugu sii gudbiyo
211 ama 800-543-7709 (meel kasta oo aad ka joogto Minnesota)

Xafiiska Barnaamijyada Caddaaladda Liiska Meelaha Adeegyada Dhibbanaha
www.ojp.state.mn
888-622-8799

Si aad u hesho ururka deegaankaaga ee qaabilsan falalka isku-xadgudubka qoyska:

Maalinta Koowaad: 24-ka saac taleefanka lacag la'aanta lagu soo garaaco ee ah khadka xaaladaha degdegga
www.dayoneservices.org
866-223-1111

Ururka Minnesota ee Dumarka Xaasaska ah ee ay Nimankoodu Muddo Dheer Dhibaato u Geysteen
www.mcbw.org
651-646-6177 or 800-289-6177

Si aad u hesho ururka deegaankaaga ee qaabilsan faraxumeynta ulakaca ah:

www.mncasa.org
651-209-9993 or 800-964-8847

Ilaha Loo Hayo Dhibbaneyaasha Lagu Xad-gudbay ee Minnesota:

Xafiiska Barnaamijyada Caddaaladda Magdhowga Dhibbaneyaasha Minnesota ee Lagu Xad-gudbay (lacagta xaalka ah ee dhibbaneyaasha gacan-ka-hadal wax loogu geystay)
www.ojp.state.mn.us
651-201-7300 or 888-622-8799

Ururka Caddaaladda ee Dhibbanaha Lagu Xad-gudbo (macluumaad iyo ilo kale)
www.ojp.state.mn.us
651-201-7310 or 800-247-0390 ext. 3

Ururka La-dagaallanka Danbiyada ee Minnesota
www.mnallianceoncrime.org
612-940-8090 or 866-940-8090

WAXAA SOO DIYAARIYEEY:

Waaxda Ammaanka Dadweynaha ee Minnesota
Xafiiska Barnaamijyada Caddaaladda

Dadka dhibbaneyaasha ah waxa ay leeyihiin xuquuq

Gobolka Minnesota dhibbaneyaasha lagu xad-gudub waxa ay xaq u leeyihiin in la soo ogeysiyo haddii qof dambiile ah laga sii daayo jeel ama xabsi lagu hayo inta aan dacwo laga qaadin ka hor.

Ka dib marka qof dambiile ah lagu caddeeyo dambigii lagu haystay, haddii uu qofka dhibbanaha ah ka codsado jeelka waxaa la soo ogeysiin doona marka la sii daayo dambiilahaas.

Dhibbaneyaasha waxaa lagu dhiirri gelinayaa in ay adeegsadaan nidaamka barnaamijka VINE si ay u helaan ogeysiin degdeg ah oo ay ku tashan karaan. Barnaamijka VINE wuxuu dhibbaneyaasha oo dhan u sameyn karaa ogeysiin la xiriirta marka la sii daayo qof dambiile ah.

Dambiileyaasha la sii daayey ee jeelka ku soo noqda

Marka qof dambiile ah laga sii daayo jeel ama xabsi lagu hayey, oo dabadeedna ogeysiin loo diro qofka dhibbanaha ah, is-diiwaan gelintii barnaamijka VINE halkaas ayey ku dhammaanaysaa. Sidaas awgeed ma dhaceysu in dhibbaneyaasha si toos ah loo soo ogeysiyo haddii qofka dambiilaha ah mar kale lagu soo xiro jeel ama xabsi ama haddii mar kale la sii daayo. Haddii qof dambiile ah mar kale jeel lagu soo xiro, qofka dhibbanaha ah wuxuu ku qasban yahay inuu isaguna mar kale is diiwaan geliyo.

Dambiileyaasha loo beddelo xabsi kale

Haddii qof danbiile ah loo beddelo jeel, qofka dhibbanaha ah waxaa loo dirayaa ogeysiin balse is-diiwaan gelintii barnaamijka VINE halkaas ayey ku dhammaanaysaa. Qofka dhibbanaha ah wuxuu u baahan yahay in uu mar kale iska diiwaan geliyo barnaamijka VINE isagoo la soo xiriiraya 877-664-8463 ama www.vinelink.com.

Haddii uu qofka dambiilaha ah ku xiran yahay xabsi ay leeyihiin Waaxda Maamulka Xabsiyada ee Minnesota

Dadka dhibbaneyaasha ah waxaa la soo ogeysiin karaa marka la sii daayo dambiilayaashii wax gaarsiiyey ee ku xiran xabsi ay leedahay Waaxda Maamulka Xabsiyada (DOC). Dhibbaneyaashu waxay iska diiwaan gelin karaan barta internetka ee Minnesota CHOICE ama waxay la soo xiriiri karaan Barnaamijka Caawimaadda Dhibbaneyaasha ee Waaxda Maamulka Xabsiyada (DOC).

Sharciga Minnesota wuxuu dhigayaa in dhibbaneyaashu leeyihiin xuquuq dheeraad ah haddii ay dadka dambiileyaasha ah ku xiran yihiin xabsi ay leedahay Waaxda Maamulka Xabsiyada (DOC). Xuquuqda dheeraadka ah waxay noqoneysaa in dhibbaneyaasha loo sameeyo wargelin iyo ogeysiin. Waxyaabaha la isu sheegi doono waxaa ka mid ah shuruudaha qof lagu sii deyn karo; waxaa la sameyn doonaa ogeysiin dheeraad ah marka la sii daayo dambiileyaasha si xun ama si axmaqimo leh dadka u waxyeelleeya. Waxaa la sameyn doonaa ogeysiin haddii qof dambiile ah loo beddelo xabsi aan si adag loo ilaalin; waxa kale oo la sameyn doonaa ogeysiin haddii qof dambiile ah mar kale la soo xiro iyo haddii mar kale la sii daayo. Dadka dhibbaneyaasha ah ee ay waxyeelladu ka soo gaartay dambiileyaasha u xiran Waaxda Maamulka Xabsiyada (DOC) ee doonaya ogeysiin dheeraad ah waxay ka codsan karaan barta internetka ee Minnesota CHOICE ama waxay la soo xiriir karaan Barnaamijka Caawimaadda Dhibbanaha ee Waaxda Maamulka Xabsiyada (DOC)

www.minnesotachoice.com

Barnaamijka Caawimaadda Dhibbaneyaasha ee Waaxda Maamulka Xabsiyada : 1-800-657-3830



Wargelinta & Ogeysiinta Dhibbanaha ee Maalin Walba



DHIBBANEYAASHU WAXA AY XAQ U LEEYIHIIN IN AY OGAADAAN.

Adeegga Minnesota VINE

Wargelin & Ogeysiin Laga Heli Karo
Xaalad Xirnaansho oo ku Saabsan
Qof Danbiile ah

1-877-664-8463

TTY 1-866-847-1298

www.vinelink.com

Adeeggan waxaa sameeyey:

Waaxda Ammaanka Dadweynaha ee Minnesota
Xafiiska Barnaamijyada Caddaaladda



WARGELINTA IYO OGEYSIINTA DHIBBANAHA MINNESOTA EE MAALIN WALBA

1-877-664-8463

Barnaamijka VINE waa adeeg si joogto ah loo sameeyo oo kuu sameyn kara in aad la socoto xaaladda xirnaanshaha ee qof danbiile ah oo ku xiran jeel. Qofkii la soo xiriira taleefanka lacag la'aanta lagu soo garaaco ama booqda www.vinelink.com, wuxuu ka war heli karaa xaaladda xirnaanshaha ee qof danbiile ah. Sidoo kale, haddii ay wax iska beddelaan xaaladda xirnaanshaha danbiilaha, waxaad isu diiwaan gelin kartaa in wixii ogeysiin ah laguugu soo sheego taleefanka iyo cinwaanka intarnetka ama iimeyl.

Macluumaad

La soo xiriir 1-877-664-8463 ama booqo www.vinelink.com, dabadeedna raac tilmaanta lagu siin doono ee aad ku ogaan karto maluumaad ku saabsan xaalad xirnaansho.

Is-diiwaangelin

Haddii uu qofka danbiilaha ah xiran yahay waxaad isu diiwaan gelin kartaa in lagu soo sheego wixii ogeysiin ah. Haddii aad diiwaan gelineyso lambar taleefan waxaa lagu weydiin doonaa in aad sameysato afar lambar oo adiga sir kuu ah si loo xaqiijiyo in uu ku soo gaaray taleefankii lagu soo diray. Fadlan iska hubso in aad sameysato afar lambar oo sir kuu ah oo aad si fudud u xusuusan karto.

Ogeysiin

Waxyaabaha lagu soo ogeysiin doono waxaa ka mid ah:

- Marka la sii daayo danbiile xiran
- Marka danbiile xiran xabsi kale loo beddelo
- Marka uu danbiile xiran fakado
- Marka uu danbiile xiran dhinto

Marka aad taleefan ka hesho barnaamijka VINE, dhageyso hadalka aad maqli doonto, marka lagu weydiyo garaac afarta lambar ee sirta kuu ah dabadeedna taabo calaamadda afar geeska ah. Ka dib marka aad garaacdo afarta lambar ee sirta kuu ah, barnaamijka VINE wuxuu ogaanayaa in aad heshay fariintii lagu hayey, sidaas awgeed ma dhici doonto in taleefan kale laguugu soo diro fariintaas awgeed.

Barnaamijka adeegga dhibbanayaasha ee VINE wuxuu ku saabsan yahay oo keliya danbiilayaasha ku xiran dhismayaasha xabsiyada. Ogeysiinta ku saabsan marka la sii daayo danbiilayaasha ku xiran xabsi ay leedahay Waaxda Maamulka Xabsiyada (DOC) waxaa laga heli karaa www.minnesotachoice.com ama la soo xiriir Barnaamijka Caawimaadda Dhibbanaha ee Waaxda Maamulka Xabsiyada (DOC) 1-800-657-3830.

- Haddii aad dareento in ay naftaadu khatar ku jirto, si degdeg ah u garaac 911.
- Saacad kasta oo la joogo barnaamijka VINE si toos ah ayuu dadka ugu soo gudbiyaa marka ay wax iska beddelaan xaalad xirnaansho oo ku saabsan qof danbiile ah. Sidaas awgeed waxaa laga yaabaa in uu habeenkii saqda dhexe taleefan kaaga yimaado barnaamijka VINE.
- Haddii aad ka jawaabi weydo taleefan ogeysiin ah oo lagu soo diray balse uu taleefankaagu leeyahay cajalad, barnaamijka VINE wuxuu kuu reebi doonaa farriin. Laakiin haddii aadan lahayn cajaladda farriimaha barnaamijka VINE marar badan ayuu taleefan kuu soo diri doonaa ilaa aad ka jawaabto oo aad garaacdo afarta lambar ee sirta kuu ah, ama taleefanka ayaa laguugu soo celcelin doonaa ilaa iyo inta la dhaafayo 48 saacadood.
- Fadlan ha diiwaan gelin taleefan xafiis ku dhacaya oo ay dad badan wadaagaan.
- Barnaamijka VINE qofna uma sheego arrimaha dadka. Xitaa qofka danbiilaha ah kuma ogaan karo in aad iska diiwaan gelisay barnaamijka VINE.
- Si aad ku hesho wixii ogeysiin ah waxaad diiwaan gashan kartaa taleefanno badan iyo cinwaanno badan oo ah kuwa intarnetka ama iimeyl.
- Haddii ay dhacdo in aad ilowdo afartaada lambar ee sirta kuu ah, la soo xiriir taleefanka barnaamijka VINE, dabadeedna taabo eber. Shaqaalaha taleefanka ka jawaaba ayaa kuu sheegi doona sida aad ula xiriiri karto Maamulaha Barnaamijka VINE oo kugu caawin doona in aad iska beddesho afartii lambar ee sirta kuu ahaa ee aad horay u sameysatay.
- Shaqaalaha taleefanka ka jawaaba ayaa kuu sheegi doona sida aad ula xiriiri karto Maamulaha Barnaamijka VINE oo kugu caawin doona in aad iska beddesho afartii lambar ee sirta kuu ahaa ee aad horay u sameysatay.

Ammaanka naftaada marna ha ku halleyn barnaamijka VINE oo keliya. Haddii aad dareento in ay naftaadu khatar ku jirto, waa in aad sameyso wax kasta oo aad naftaada ku badbaadin karto—sidii aad sameyn lahayd markaad ogtahay in uu qofka danbiilaha ah dibadda joogo oo uusan xirneyn.

Meel ku qoro macluumaadka hoos ku qoran, jeex waraaqda oo dhigo meel aad keligaa ogtahay.

Magaca danbiilaha

Lambarka danbiilaha

Afarta lambar ee sirta kuu ah

MAR KASTA OO AAD U BAAHATO BARNAAMIJKA VINE

Macluumaad

La soo xiriir 1-877-664-8463 ama booqo www.vinelink.com, dabadeedna raac tilmaanta lagu siin doono ee aad ku ogaan karto maluumaad ku saabsan xaalad xirnaansho.

Is-diiwaangelin

Haddii uu qofka danbiilaha ah xiran yahay waxaad isu diiwaan gelin kartaa in lagu soo sheego wixii ogeysiin ah. Haddii aad diiwaan gelineyso lambar taleefan waxaa lagu weydiin doonaa in aad sameysato afar lambar oo adiga sir kuu ah si loo xaqiijiyo in uu ku soo gaaray taleefankii lagu soo diray. Fadlan iska hubso in aad sameysato afar lambar oo sir kuu ah oo aad si fudud u xusuusan karto.

Ogeysiin

Waxyaabaha lagu soo ogeysiin doono waxaa ka mid ah:

- Marka la sii daayo danbiile xiran
- Marka danbiile xiran xabsi kale loo beddelo
- Marka uu danbiile xiran fakado
- Marka uu danbiile xiran dhinto

Marka aad taleefan ka hesho barnaamijka VINE, dhageyso hadalka aad maqli doonto, marka lagu weydiyo garaac afarta lambar ee sirta kuu ah dabadeedna taabo calaamadda afar geeska ah. Ka dib marka aad garaacdo afarta lambar ee sirta kuu ah, barnaamijka VINE wuxuu ogaanayaa in aad heshay fariintii lagu hayey, sidaas awgeed ma dhici doonto in taleefan kale laguugu soo diro fariintaas awgeed.

www.vinelink.com

